



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

### **Geschichte der geistlichen Stiftungen, der adlichen Familien, so wie der Städte und Burgen der Mark Brandenburg**

[Urkunden-Sammlung für die Orts- und spezielle Landesgeschichte]

**Riedel, Adolph Friedrich**

**Berlin, 1847**

XXIV. Bischof Busso von Havelberg verleiht seinem Kanzler Plumperdump die Abgaben, welche die Dörfer Walchow, Protzen und Stessin im Ruppinschen ihm für die Benutzung des Luches zu entrichten haben, ...

[urn:nbn:de:hbz:466:1-54581](https://nbn-resolving.org/urn:nbn:de:hbz:466:1-54581)

jehlicken an feinen gerechtigkeiten vnshedelich. Zw Vrkunde haben wir Hieronimus Bischoff zu Havelbergk vnser Secrett wissentlich lassen hangen an diesen vnfern brieff, die Gegeben ist zw wistogk nach gotts gebortt tawsent funffhundert darnach jm XXII Jare, am Sontage Reminiscere.

Nach dem Kurwärt Lehnstapialbuche des R. Geh. Rat. Archiues VIII, fol. 79-81.

**XXIV.** Bischof Buffo von Havelberg verleiht seinem Kanzler Plumperdum die Abgaben, welche die Dörfer Walchow, Protzen und Steffin im Ruppinschen ihm für die Benutzung des Buches zu entrichten haben, am 25. Jan. 1546.

Wir Buffo, von Gots gnaden, Bischoff zu havelbergk, Bekennen vor vns vnd vnser nachkomenden Bischoffen zu havelbergk, auch sonst öffentlich vor allermenniglichen, Nachdem vnser vorfart Bischoff Johann löblicher gedechtnisz herrn Thomaszen Crull ethwan Dechandt zu Coln an der Sprew seliger das mietgelt, so nachgeschriebene Dorffer Jerlichen von vnfern luge, so sie gebrauchen, auf Nicolai Tag becalht vnd aufzugeben, zu zeyt seines lebens auf gnaden zugestelt, als auffm Dorffe Walchow zwey schock, auffm Dorffe Protzen zwey schock merkisch, vnd auffm Dorffe Steffin anderthalb schock, vnd da dan gedachter herr Thomas seliger In got verstorben vnd bemelt mietgelt vnz widderumb heimgefallen, haben wir angesehen vnd erkandt die vyelfeltige getrewe vnd willige dinnste, so der Achtbar vnser Cantzler vnd lieber getrewer Steffan plumperdum vnz vnd vnserm Stifte biszher gethan vnd hinfürter woll thun kann, soll vnd will, darumb auch vmb besonder gunst vnd gnaden willen haben wir Ime Christina, seyner ehelichen hawtz Frawen vnd Ihrer zweyer leybs erben, mit wissen, willen vnd Vultbortung der würdigen vnd hochgelarten vnd Achtbaren vnser Andechtigen vnd lieben getrewen Ern Bernhardi Kellers Licentiaten vnd Probst, herrn Wulfgang von Arnim Dechandts, und herrn Conradi Schollenen, Senioris vnd gantzen Capittels vnser Thumkirchen havelbergk, obinbemelt myetgelt aus bestimpten Dorffern Jerlich einzufördern, vnd yhres gefallens damit zu geboren, aufz gnaden zugegestellt, Stellen yhnen das auch hie mit In crafft dieffes vnfers brieffs zu vnd also wo gedachten Steffen plumperdum vnd Christina seine hawtzfrawe vnd yhrer zweyer leybs Erben nach dem willen gots todtlich verfielen oder nicht wehren, des alzdann merbemelt mietgelt von vnserm luge an vnz oder vnsern nachkommenden widderumb kommen vnd fallen soll, ahn alles geferde. Zu Vrkundt haben wir vnter diesen vnfern brieff vnser Stifts-Sigel vnten an wissentlich hengen lassen. Gegeben zu Wistock nach Christi vnfers herrn geburt Funffzuehnhundert vnd In Sechsvndviertzichsten Jahr, am Tagk conuersionis pauli.

Vnd wir Bernardus Keller Licentiat vnd Thumprobst Wulfgang von Arnym Dechandt, Conradus Schollene Senior, vnd gantz Capittel der Thumkirchen havelbergk, Bekennen vor vnz vnd vnser nachkommenden, das wir, auff des hochwürdigen In got vatters fürsten vnd herrn, herrn Buffen Bischoff zu havelbergk, vnfers gnedigen Fürsten vnd herrn, gnedigs gesinnen vnd begern, alle vnd Jeder abgeschrieben stücke, punkt vnd artikel, wie die vorliebt, consentirt, bewilligt vnd befulbordet haben, consentiren, bewilligen vnd befulborten die In crafft dieffes bryeffs vnd haben des zu mehren sicherheynt vnser Kirchen-Siegel neben hochgedachts vnfers gnedigen fürsten vnd hern vnten an wissentlich hengen lassen. Gescheen Im Jar vnd tag wie obynn.

Nach dem im R. Geh. Min.-Geh.-Archiv befindlichen Alten Lehnbuche des Sav. Domcapittels fol. 95.